

思伯子堂詩集

思伯子堂詩集卷二十七

建甯張際亮亨甫

酬溫伊初訓同年戊戌

手攬碧天月遙從滄海來光輝照河朔今古與徘徊曠  
代才難遇高文道所開因嗟韓孟意重有宋陳哀君與余往  
年皆受知于芷  
偶恭甫二先生

五嶺鬱蒼蒼扁舟昔瘴鄉夢花呼翠鳥採石渡羚羊山  
水雄仙佛風雲慘霸王浩歌懷古倦詩思爲君長

人日海秋侍御招同筠潭樹齋兩先生孔宥函比  
部溫伊初楊希臨葉潤臣三孝廉集飲以九天閭

闔開宮殿分韻得開字

太行莽莽爲我來穹崖疊嶂雲濤堆下臨渾河一千里  
中有龍虎風雲哀嗟彼古來英物安在哉何如卽時有  
酒持一杯浮邱子與汝終何似汝能爲我慷慨起舞傾  
金罍我能爲汝脫劔三徘徊長安人海中車馬紛穢塵  
道旁凍餒骨旦夕爲飛灰邯鄲枕上夢未覺青春白髮  
旋相催我欲西登雪山北涉遼海東行晞髮於蓬萊南  
望三湘九疑浩蕩而崔巍三湘漁父告我以速駕九疑  
帝子待我而遲回何爲意氣苦挫摧浩歌夜起瞻三台  
昨宵恍惚故鄉月照見老鶴銜疏梅煙村花影蕩似雪

柴門正倚花陰開有美一人彈忽雷  
掩抑嗟誰媒  
一歌行路難再歌送遠曲三歌四歌腸斷續落花掩泣  
鸞鳳猜日高不見見老樹敗葉尙打秋并昔不知春來  
七晝夜果然朔方凍苦不可一日無醕醑何況少長列  
坐樽奇環好與酣嬉跌宕隘九垓浮邱子汝我終何似  
淡不聞昔時曼倩惟譌詖狎視萬眾同興臺金門執戟  
墮冠隱賈董旁皇亦可哂我生少年若渴驥卽今困頓  
成羈駟已慙一飽失棧豆何有九折輕叩轅行觀綠意  
明宮槐坐惜春衫未剪裁不然短衣突騎向關塞射生  
飲血驅黃能不然禿襟窄袖召屠狗呼盧喝雉譴如雷

男兒不能奮發萬古豁天日照耀四海騰斗魁便當雜  
牛醫潤馬客吹簫滌器備春磴安用豪華結許史侍從  
矜鄒枚萬戶侯與八州督李蔡何足當中材感天桃之  
灼灼怨皓露之皚皚無情一碧東流水送盡飛揚跋扈  
才胡爲不飲甘塵埃

二十日筠潭先生招同樹齋海秋伊初宥函崑臣  
潤臣諸君子集寓齋以碧桃滿樹風日水濱分韻  
得碧字

先生當代文章伯四海清名鬢未白宦游卅載亦何有  
貧向長安猶好客立春忽已過十日楊柳欲青寒可惜

佳招且作文字飲清譙漫催斜照夕卻從河朔望江南  
取次東風滿泉石花魂漠漠鶯喚醒玉顏夢亂梨雲碧  
畫船寶馬散香塵六代江山幾裙屐江山可憐春不知  
燕子銜花出宮陌尊前惆悵成坐憶一身況乃殊今昔  
更話先生持節時我方少小貪戲劇歐陽門下見東坡  
有兄立列弟子籍能詩善書冠黨庠頃刻揮毫了縑百  
興酣捉我走磨墨滿堂賓從錯履舄是時父老已七十  
喜顧兒曹鄙田宅夜闌酒罷述人世慷慨興衰餘歎積  
自從行雁再折翼先人一慟傷永隔事嫂猶慙馬伏波  
爲郎那比揚執戟飄然短劒久塵土重接醉翁愴連席

萬古徒懷後死心淒涼家國終何益諸公衮衮半登朝  
肯笑驚弓同倦翮陶寫差堪豁樂哀繁華莫遣歸狼籍  
試看四百寺雨煙西山大似南朝迹信知何處不幻妄  
痛飲惟應岸巾幘先生聞此許爲壽願采瑤華釀瓊液

何道甫

則賢

同年偕陳紹韓同年入都并得高恆

猷同年書慨然作詩

故人長道至驚喜各看面別離豈云久哀樂遂屢變袖  
中寸紙書語短循百徧歎茲篤厚意倍愴同門彥笛江  
將樂祝同年迪光洵綺才墨華嗟一見復憐吾英宗亦死異鄉  
龍巖張同年樹翰道肅言其卒于漢口朝爲同根樹夕逐落紅片乍合

不相知長痛等逝電遺孤竟何似況無孤可唁定應地  
下悲聊匹人閒遣吾師慷慨氣飄然去金殿聞從吳越  
行歲晚冒霜霰悼亡淒蕙帳養志潔蘭膳寄書武昌城

念我欲相見安知渡淮日咫尺失追餞

座主李栢堂師於九月告假返

昆明亮十一月遇師舊僕於清江浦以爲轉事他主人未及問不知乃師出都也後昭林鏡帆同年知師寄書少穆制軍猶詢余在何處頃道甫言開

師于十二月一日始發杭州念之惘然掘衣更何時待

有冥鴻羨方思前歲懽師友接觴燕共君重握手感激

覺我倦登場盡壯夫颯爽能酣戰舉旗望英少君與高

陳先陳君澹靜姿雍容謝深戀春風過柳巷

陳與君俱寓南柳巷

坐聽流鶯轉生民秉天秀所趨異狂狷要當奮德業毋



負吳公薦西望滇池雲萬里浩如練南憶甌海潮千頃

清可嘅

亞伯師在里門

漁梁帶仙霞山翠互蔥蒨征車幸卽來

曲江花始顫

車中見西山口號

試馬春城晚更涼百年空賸鬢絲長西山不改青蒼色  
卻爲人閒送夕陽

次韻潤臣夜坐見寄

不知春已半寒氣入宵深獨坐見微月疎風聞靜林悠  
然懷舊意何處古人心試發蒹葭詠翻如秋水潄

送史梅裳大令

我本閩中人能識閩中事君向閩人問土風爲君慷慨  
先形勢仙霞雄秀接漁梁直下三山似建康射鱗釣龍  
紛割據更騎白馬起王郎英雄已往何堪弔武夷君倚  
雲中笑誰乘九鯉逐琴高試訪客成有仙嶠或言閩山  
奇不如閩灘險舟穿萬石石蔽天千篙一隙相摩閃有  
灘名黯澹偶然見石石如壓又有二龍守劒津風雨噴  
波倒巖厂古來過者心膽驚豈知安流行冉冉山川信  
傳天下無哀歌恨無李杜兼韓蘇粵蜀吳楚亦邊徼四  
公奔走窮崎嶇手濡大筆何磊落能使草木光奧區今  
之言者毋乃誣不聞丹崖翠壑寄清嘯但聞太息地苦

民悍愚閩地瞻天五千里閩民忠厚戴

天子借問閩官吏幾卹民生死官貪民乃鬪民鬪官乃  
喜括戶比搜牢盜賊任竊起且如赤嵌稱沃臯因何昔  
使

王師勞且如今日姚

廉訪瑩前令臺  
灣龍溪平和

滕

刺史曹瑾

父

老感歎惜所遭斯民好直自天性可憐海水自滔滔願  
君此去踏六鼇毋爲鯨鯢驅長濤君才況自足千古政  
成好與歌風騷君不見前忠惠後清恪如此作官差不  
惡君不見幔亭峰玉華洞仙竈米可餐仙田禾可穗循  
良未必皆貧困煙霞百態奇爭獻看到無諸土一坏應

吟富貴非吾願久爲閩中人不忘閩中怨行矣春風載  
去鞍我歸庶飽家園飯

富陽董文恪公畫次四農韻題

玉泉何似富春山應愛園林一味閒兩世金華歸未得  
祇今花石自人間

花朝集宥函比部宅以我能拔汝抑塞磊落之奇  
才分韻得才字

東南米賤客仍瘦西北春寒花未開四海飄零猶縱酒  
千秋俯仰莫論才茫茫落日渾河去莽莽重山碣石迴  
尙有平生長劒在爲君談笑薄金臺

爲宥函題畫三首走筆與四農海秋同作

秋意渺在空泉聲如欲返夕陽四無人木落孤亭遠蕭

條碧山阿想見女蘿晚

文嘉山水

何處猶存菰米肥千年關塞盡斜暉江南歌舞前朝月

誰見哀鴻作隊飛

林雪蘆花  
夜雁圖

兩兒對弈一兒觀此局誰輸感百端從古人閒紛黑白

祇應斂手付空盤

蕭晨畫

潤臣疊前深字韻詩見寄復次韻酬之

春城如此曠夜思爲誰深一聽疎鐘動風高月在林孤  
雲將遠色宿鳥得歸心覺盡空舟夢何當話碧潯

蘭岑至都相見有作

見汝哀吾倦論心與力違  
卽教京洛醉何似海天歸  
獨覺親增老俱看友漸稀  
蘭岑失悲雨無異余久雲麓也  
春風猶解事下馬拂塵衣

枕上聞鐘

二月廿二夜

不知何寺近但覺此宵長  
半世餘孤枕空山負故鄉  
招魂親舊散乞食鬼神妨  
欲起從誰話殘燈影墮牀

作書寄石甫廉訪慨然綴一詩於後

曉侯去我滄溟遠燕市荒荒幾酒徒  
若上赤嵌看落日青天萬里片帆孤

題慶伯蒼霖比部詩

世遠元音渺才高見古人極天盤隼鶚行地出騏驎悟  
到秋無迹悲來月有神因君惜騷雅尊酒合相親

伊猗君渭孝廉出示近詩且屬爲題詞因作

長安三月暮楊柳作花飛往日少年子飄飄何處歸憐  
君守窮巷身世澹斜暉鄰里同高詠相將興不違謂秋士子

靈文子

節烈吳雅氏母烏札庫氏夫人詩浙江臨海令秀山之孺人夫死

百曰綸于樞側旣獲旌于朝而家人爲徵詩

歡愛眾所戀事過意每移名義世所貴力窮志亦墮我

讀谷風篇宛轉朋友悲可憐李都尉淚盡降胡時與人  
同生死此意那敢期忠信矢天日棄捐成路歧萬事古  
已然帷房情可知嗟哉投繯烈乃足羞男兒弱息豈不  
顧翁在孫有依冉冉泉魂下雙雙天際歸頗聞金庭間  
舊敝玉女扉道逢采藥子招邀共邀嬉一朝兩謝別未  
肯塵世隨仙人且如此使我長涕洟

次韻酬繡山題松寥館詩

神駿知長路風雲萬里開方當飲瑤水不數市金臺名  
大仍敦節時艱始見才驚駘竟何事辛苦逐塵來

寄蘇鰲石方伯

不見方伯七年矣此日忽枉  
手書拳拳可感賦此奉寄



思仙堂詩集卷二  
明公出入郎曹日賤子縱橫俠少場重報旌麾朝

帝里

壬辰春方伯以山東臬使入覲偕鄉人祖道於龍爪槐乙未冬由四川入覲則余方在江南道上也

獨憐劒佩走他鄉青天西上王尊勇滄海南游太史狂  
聞道兩川清戰伐可能一棹話星霜

### 書扇贈恆猷同年

青眼吾憐高達夫長安醉倒酒家鑪門前一樹花如雪  
月曉風殘相憶無

楊柳垂垂長短亭東風吹絮半飄零倩他繫住青驄馬  
肯放殘春一日醒

酒病詩狂百不宜祇應燒燭照花枝牀前恰恰啼鶯喚

似喚今朝起太遲

南雅先生畫蘭爲潤臣題

國香誰采委空山  
泣露披煙亦等閒  
猶是楚騷千載淚  
暗風吹上竹斑斑

題屈翁山茅山訪道圖

地老天荒失故山  
更從何處訪仙關  
人生最樂無如死  
那用真騎白鶴還

長歌贈蘭岑

通父勸汝一杯酒  
人生誰能千萬壽  
短衣長劒欲何向  
四海茫茫視馬首  
西招鸞鶴崑崙邱  
可憐王母今白頭

繆王八駿骨亦朽但有瑤水吞天流小兒東方朔蟠桃  
乃可偷咄哉東王公欲問青鳥何悠悠蓬萊方丈亦塵  
土萬樹瓊花落如雨怪風吹折扶桑枝淚盡鮫人不得  
語嗟吾與汝竟何爲汝年方壯吾欲衰莫將蒼茫萬古  
意但欲朝夕痛飲傾金卮無田亦可歸無田不歸誰可  
依曰歸曰歸楊柳垂飄飄飛雪同天涯天涯亦鄉國誰  
能苦歎息不見路旁兒歲豐猶菜色不聞閨中婦蓬首  
廢蠶織諸公袞袞登臺省江湖我去孤舟冷江湖莫聽  
哀鴻啼烏鵲南飛亦悲哽明明天上月夜夜圓或缺酒  
情入閒世獨醒不如醉汝家門對黃河水千世悠悠只

如此頗聞沙高水逆行安能手挽河南徙通父迺父汝  
聞我言且莫哀河邊白骨成蒿萊去年我渡黃河來今  
年汝渡黃河回回頭一片西山色不見黃金舊廢臺瀟  
湘折斑竹羅浮攀素梅蒼梧叫舜舜已遠縞袂仙人安  
在哉嗟吾與汝歸去毋遲徊

雄縣

矣重邊氣悲哉百戰塵啼鴉易京樹走馬范陽人戀  
關心方永還鄉夢未真誰能爲陳迹憑弔復沾巾

至莫州卽與四兄別時鄉人有同作客者

半歲覺久別一宵難暫留江湖更何樂身世已俱浮看

面勞同里傷心數獨游中林兩飢鳥夜起亦分投

南劉智廟題壁

三絃四絃聲可憐一杯兩杯愁不眠明朝便是分襟地  
馬首無風沙接天

道上贈蔡香祖孝廉

蔡嘗渡澎湖遇風飄至安南

海客輕溟渤安知墮越裳風潮走靈怪天地變倉皇  
望餘今日生還出大荒真堪著書臥不必問行藏

洪流環絕島太古浩無人士始登林蘊

澎湖自君始舉乙科

民今

附寇恂

謂臺澎觀察姚石甫丈

土風陋銅柱海日散珠塵莫憶長

安柏飄飄飛絮春

次韻別四農兄

醉眼常千古閒心半九州迢迢江海月同此薊門愁一  
別飛天鏡關山各素秋毋將淮上淚遙灑角邊樓  
襄漢稀耆舊何人慰遠離預愁對杯酒且莫負箏絲世  
任蕭曹法天窮李杜詩齊城聽班馬不似國門時

次韻贈別稼軒

吳郎跌宕仍瀟直溫嶠何慙第一流老去長思礪山隱  
春殘同謝薊門游塵埃匹馬低看劍江海孤鴻遠送秋  
河水東南二千里君歸應爲我回頭

過東昌感懷丙申春與伯兄同行泣然口號

十三年再過東郡腸斷春殘雁不飛猶有高樓憑嶽色  
白雲南望一沾衣

既別四農蘭岑是夜宿東昌之沙鎮慨然賦此寄  
之

蕭蕭野多風漠漠天多塵皎皎四星照此獨宿人獨  
宿亦永久茲宵傷我神齊謳不復聽燕酒難重陳可憐  
昨宵淚滴向他鄉地君既渡淮歸我亦渡河逝此淚入  
土中安知千萬歲舉目不見君倏忽君來至雙雙簷閒  
鵲一鳴三徘徊燕燕高下飛銜泥夕未回瀉水作東海  
注之君胸懷懷抱一寸心宛轉爲我哀哀我鬢將白勞

勞猶未息我生亦有極天命安可測何以答君意敬戒  
慎酒食何以見我情皎月秋空色我行過聊城念君東  
阿行君行到山陽惜我游武昌死者不可作生存散飛  
藿結交四海英已矣傷哀樂

蘭陽渡河是丙申春與伯兄阻風處泣然口號

黃流決漭仍千里白日飛騰更十年死去可能悲歲月  
飢來長使走山川驚沙依舊風橫野廢郭經春樹帶天  
河伯安知惆悵極征驂獨上夕陽船

襄城篇

襄城城上初出月襄城城南客愁絕客愁如水夜不流



美人爲我揚清謳清謳屢斷繁絃續笑賭金甌映紅玉  
玉顏花顫月滿牀夢覺酒醒怨銀燭君不見燭邊之人  
喚采雲碧桃留影驕青春自言十五始見客及今四載  
淪風塵未知此骨葬何地敢望婢妾豪門人君不見四  
方士半聞松寥十年京洛名滿朝少思濟世壯不第海  
鶴一去隨風飄未知別汝見何日敢望七貴聯金貂襄  
城之水何迢迢水行直到東海遙水能西流我應返五  
湖載汝隨蘭橈平生蒼茫萬古淚仰天欲灑仍無地猶  
有嬌歌豔舞絕代姿風塵處處留人醉螺女江江何長  
江轉江燕雙舊人死去新人老兩鬢垂垂一雪娘

蘇州雨吳姬擲笛奈何許前年泛荷花山塘卽南浦去  
年人不見別有雙眉嫵含顰含笑不得語對坐情深亦  
如汝此是年時惆悵處此外王郎婀娜輕於絮一醉長  
安酒十千斑駁竟謝君門去酌汝雙叵羅汝重爲我歌  
人閒幽恨亦已多何止女牛天上悲秋河又不見黑頭  
白面登黃閣太平無事惟畫諾薰香五夜擁朝衣鏡影  
釵聲動羅幕此時笑我委溝壑又不見東西南北歲屢  
饑夫攜其妻母挈兒中途賣作青樓伎少小飄零未解  
悲祇如采雲亦是良家子見我襄城泣素輝那能青衫  
淫盡無新詩

王郎曲

名長桂春  
臺部歌者

天下三分月二分在揚州一分乃在王郎之眉頭彎彎  
抱月含春愁春愁多種揚州土付與歌兒更倡女王郎  
生小住新城瓊華照影春無主瀟湘雲曉秋始波盈盈  
一帶如銀河雙眸剪水清怨多臨風不語天奈何偶然  
一笑天爲和紅潮上頰生微渦團團寶鏡汝何物常照  
懽愁顏半酡我見王郎日王郎已二十婀娜身輕鎖子  
骨衣香曉著花露溼人言前時結束乍登場能使坐者  
忽起成癡立哀絲豪竹歌臺清王郎按歌嬌娉婷裊如  
燕燕將啼鶯高下不斷傳春情春情且如此春愁復餘

幾十年奔走豪家子五侯七貴皆歡喜  
驄馬並頭油壁車門前日夜馳  
流水門中曲堂交綺疏堂上七尺紅珊瑚  
後堂塵掩百琲珠妖姬美妾絕世無  
御史中丞老尚書手題紈扇爲汝娛  
不數吳桐仙誰言夏秋芙蓉往年王  
紫稼見汝恐不如使我慷慨萬感俱  
使我一歎三長吁君不見長安歌兒好  
顏色王郎一出誇傾國如何文采鳳  
流映八荒飄零京洛無人惜鬱輪袍  
歌不得琴久碎器且滌但傳王粲賦  
登樓那比子雲官執戟龍虎風雲夢  
未醒話向王郎涕霑臆或言揚州兒  
不如揚州女吟詩作畫態楚楚千金  
宛轉通一語邇來鹽筴疲粉黛亦

思伯子堂詩集

卷二十七

十四

苦飢青樓晝閉蝴蝶飛杜秋紅淚盈羅衣乃知豔色同  
爲天下重貴賤苦樂猶有時王郎王郎汝當勸我一杯  
酒富貴回頭幾是非人生冉冉行易衰

眉仙行

名雙壽四  
喜部歌者

蘇州錢氏子眾人呼眉仙眉仙昨日嬌可憐眉仙今日  
愁萬千三十四月欲圓十八十九連下弦江流東逝  
難西還人生才高須少年少年不稱意老大眾所棄一  
樣垂楊大道旁春來婀娜秋顚顚且言眉仙昔同師小  
字蓮仙情最癡翠裘紅頰青長眉歌臺一出人嗟咨十  
年過眼成黃土賸有劉郎兩鬢絲不聞唱渭城但聞雨

淋零當年豪客亦已逝人閒何處尋旗亭畫堂銀燭燒  
春星忍見眉仙重醉醒眉仙況復非娉婷嗟我那得辭  
飄零我昔游三山洪濤浩渺不可攀羣仙待我蓬閬閒  
足踏赤鯁行屢艱我昔叩九閭閭闔高高虎豹蹲仰視  
不見重雲昏手持玉斧修桂根嫦娥爲我苦歎息惜我  
當初好顏色兩行對詠霓裳人一時見汝羞傾國如何  
蟾兔搗藥各長生汝墮塵埃鬢將白金粟重開不得食  
走遍天涯少棲息夜夢天帝來相呼下土小子何太愚  
微歌縱酒合竄黜況乃薄視富貴如泥塗世閒萬事等  
電露傷今弔古胡爲乎杜秋娘由順郎前人託興徒慨

思仙堂詩集卷二十一  
三  
懷母將千載低徊淚灑向杯乾粉暗場欲覺未覺天蒼  
茫中宵坐起憂旁皇嗚乎眉仙我今與汝誰故鄉

### 南陽

雲臺諸將中興業梁甫孤吟末葉臣白水飛騰真主氣  
赤符終始此鄉人山盤鞏洛通秦塞地控荆襄繞漢津  
誰看臥龍岡外月不堪驅馬路旁塵

### 過裕州野人家

椿樹四五株下有牛羊羣有鳥如箏絲飛鳴一何頻兒  
童互跳躍折花走比鄰見我聚首笑不知語所云乞漿  
向老媪媪意如欣欣汲井煨楮袖有煙出籬新其旁有

麥場古柏亦輪囷拂石坐柏蔭偶見前山雲父老來就  
談莫辨楚與閩但言南方客到此飽見聞傾漿共飲之  
手指去路紛老我五六十已不尋遠親近今惡年少掘  
坎翻車輪願君慎前途去去多苦辛

### 新野舟中

泱莽南陽郭吾行更向西可憐東去水吹盡北風淒沙  
岸盤天曲雲帆蕩地低千年龍戰野客思獨淒迷

### 舟發襄陽

襄陽連夏口千里盡滄波一夜漢川雨楚天雲物多揚  
帆向沙鳥懷古負煙蘿何處尋耆舊大堤聞唱歌



曉日

曉日宣城郭，千山共白雲。  
遠帆如葉下，去鳥亦紛紛。  
美酒不成醉，棹歌時互聞。  
鹿門孟家宅，回首悵清芬。

扁舟阻風，日行數十里，排悶口號，共得十二首，至  
沔陽郭外錄之。

漢水一千里，楚山高下峯。  
亭亭碧雲色，落日滿青楓。  
北渚芳馨晚，南荒溼熱重。  
併看人事急，沙岸夕流衝。

茲辰五月朔，半載忽蹉跎。  
望闕江湖遠，觀風道路多。  
歲時荆楚記，估客石城歌。  
盡與驚游倦，茫茫阻去波。

屈子江潭日，誰知戀楚心。  
孤臣甘放逐，故國恨銷沈。  
競

渡遺風古歸舟廣澤吟因將汨羅淚密灑一登臨  
西控荆門塞東奔鄂渚流英雄常百戰談笑自孤游高  
舉摩空鵠低飛背日鷗蒼然形勝地俯仰欲何求  
曠野虞羣盜連檣聚晚汀溼雲懸雨黑飛電劃山青北  
斗瞻辰極中天夢帝庭飄飄風鷺外誰數少微星  
南風頻輟棹復苦北風驕順逆齊今古推遷閱暮朝沙  
黃日漠漠天白水蕭蕭故郢多淒絕征魂孰與招  
空闊江山氣依人聚作煙數家脩竹色半靄夕陽天犢  
返明村火鴉啼過酒船不知炎暑酷取醉愛長川  
嗜飲真成癖維舟每覓沽柳分門曲折花引逕荒蕪麥

地雞新乳茅堂燕屢呼白頭羨田父曝背抱孫俱

午日鍾祥道逶遲已浹旬夢醒三峽酒衣化九河塵

午日在任邱莫州丁酉  
午日在廬山三峽峒

歲月猶吾困閭閻覺汝貧栖栖

南更北不見綠舟新

長年催早發高浪去還迴岸轉帆頭落村空野色來隄

防資下策壅遏似羣才人事兼天命蒼茫付一杯

酒市長堤近歌棚廣坐張絲哀翻楚調衣豔散荀香風

急淒流水天閒駐夕陽泊舟渾寂寞漫逐少年場

曉枕聽啼鳥勞筋泥榻安聞聲慙舞劍撫髀戀征鞍馬

援威蠻易厭願用趙難滔滔行漢沔身世日長歎

天門舟夜寄懷四農兄蘭岑弟

布帆夜放清川月憶汝柴門兩處幽  
燕市素衣同別淚  
楚天芳草盡離憂  
生存未卜重逢日  
世晚空傷獨去舟  
望斷寄書無過雁  
夢魂應與話滄洲

沔陽郭外守風阻漲慨然口號

西北長風日夜吹  
亂雲如馬亦紛馳  
繫舟漢沔家何在  
橫望乾坤宦已遲  
辟地佯狂猶縱酒  
著書慟哭敢憂時  
荒堤駭浪爭衝激  
無麥兼聞父老悲

急雨隨風更倒飛  
遠天煙霧晝霏霏  
將雛斜燕銜泥疾  
喚個飢烏點樹微  
浩浩驚波看自舞  
蕭蕭短鬢欲何依

真知浮世無安宅那得蓬壺采藥歸

至漢臯寄潤臣

京華送我歸聞越豈意舟從漢口停陳迹再尋江月白  
暮雲一散楚天青西豪尙識荀公里孤嶼難留謝客亭  
落盡梅花因悵望高樓長笛雨冥冥

夢孫濟侯

故人十年交死別餘悲咤蜚廉走江漢波浪爭高駕幽  
魂那得來相對耿如乍平生萬卷書嚼字比啖蔗遂窮  
經史奧深入挾荒罇百家紛牛毛標的更互射學成聳  
麟角及鵠乃縱肥張皇到微渺神理資變化退然後眾

人忠信薄狙詐憶並師門峙旁觀駭嵩華不慙崑婁  
譚笑侈淺跨君言固樸訥而我未肯罷驅役免毫禿奔  
命數晝夜小人尙輕薄君子多獎借京華再執手涕汗  
始交下握無靈蛇珠眼有連城價顧惠與江錢惟汝實  
其亞烏虜彼蒼酷易簣遽炎夏浹旬判死生撫棺慟猶  
訝昌黎賴李漢遺文收插架入秋繞殯廬淚湧桑乾瀉  
前年見驥子勉學問婚嫁側聞骨已歸南望痛長謝安  
知楚天末靈風颯官舍覺來惟雨聲蕭騷動臺榭吾師  
亦山邱論文竟誰藉歷歷舊遊迹青冥失飛靶千秋孰  
可知羈孤愴宵暇

少穆先生出示撫吳時吳丈玉松詩札屬題呈二

十韻

帝眷東南服公符上下心三吳資保障一老領山林雅

量忘開府歡言契盍簪耄年能屏杖良弼正爲霖譚笑

關家國風騷證古今人如開寶舊詩得白蘇深啟事箋

頻送尊賢禮獨任榻緣留薤置堂記浣花尋館閣原前

輩煙霞久故岑平生疑野鶴片紙卽來禽往在摳衣日

常勞倒屣欽是翁何矍鑠愛我頗崎嶇短巷通鸚鵡叢

書掃蠹蟬讀騷邀痛飲擁鼻對高吟白社招朱荅生顧

杏樓

黃壚悵寶

東臯

金

荅生

鐵牛

思突兀

銅雀

話銷沈

吏部

王松先生守彰德  
防河患有功于民  
忽愴山陽笛  
空餘海上籌  
暫依新節  
鉞共憶舊期  
襟毫素情猶在  
摩挲感不禁  
幸流江漢澤  
重慰九原歆

立秋前三夜集飲月下述感有作

時子壽暢之藕生慶壽翁同

集

徒勞倚醉看吳鉤  
四海茫茫不繫舟  
明月自浮江漢氣  
碧天誰問古今秋  
經年西笑無新樂  
到處南皮有舊游  
幕府清嚴城角暮  
浩歌攬鬢惜淹留

夢裏騷魂不可招  
當時賓從半雲霄  
風塵痛哭餘狂客  
章貢歸舟咽暮潮  
請劒心懸青史在  
登樓目斷素車遙



隔江誰憶鵲歌地夕露涼蟬徧柳條

昨夕夢廉峰太史君少時嘗讀書漢

上今附將歸葬南昌

七子飛騰鄴下才應劉接迹出中臺滔滔天地俱長往

鬱鬱雲山久未回鄂渚日斜猶運甓薊門雲散罷銜杯

胡牀清嘯南樓暇獨有銀蟾識此哀

年來雪橋太守雲麓都轉蘭屏北都

相繼逝康峯又繼之皆昔在都門朝夕相唱酬者今略盡矣

天末今餘幾舊交望中斜漢轉花梢孫曹歲月長江盡

秦蜀風煙故郢包陳迹安知龍戰野倦游何似鵲來巢

夜闌酒渴傷存沒從古人閒一芥均

題竟陵胡鼎臣子重詩卷卽送其歸里

短褐稱詩伯君何愧茂秦浩歌臨漢水寶劍送青春復  
此秋涼色遡歸短巷貧迢迢數雲雁何處稻梁新

登黃鶴樓同孝長子壽

六月晦日

江漢浩東流千山莽迴互仙人既寂寞老鶴復何處曠  
懷得二子九衢厭高步坐憐鸚鵡洲芳草淒已暮蒼然  
俯赤壁人代蕩非故夜來涼雨多秋色引荒戍目長雲  
雁渺興靜風鷗度幽幽下泉火

樓前有元威順王世子塔相傳下有漆燈猶然

冉冉西門樹翻嗟千世士何爲百憂慮乘桴安所歸跨

海騎鯨去

秋風

七月初一日夜夢中得句

蕭蕭斑竹枝  
嫋嫋洞庭時  
楚客故多怨  
美人空自悲  
天涼白雁遠  
日暮碧雲遲  
愁絕關山月  
分明照鬢絲

漢上汪姚二氏園亭

鹽筴絀征輸  
歲課日虧欠  
頻蠲少府繆  
乃紓商戶僭  
君看此連牆  
矗起劃天塹  
高門何潭潭  
廣池各灑灑  
雕鏤徧木石  
金碧鬱光燄  
十步一亭臺  
萬花百屏玷  
銅龍畫漏咽  
鐵鳳畫檐覘  
孔雀五色羽  
客過奮窺探  
側見二鶴高  
垂翅若有憾  
玉壺醉賓朋  
繡衣暖僮僂  
銀燈擁倡優  
夜嫌明月澹  
家樂不外求  
歌舞四時占  
汪園小曲折  
姚園益豪豔  
飛樓切青霄  
大別橫坐瞰  
滔滔江漢夕  
百里

見風帆花時恣游女  
照影入鴛鴦  
盤礴問汝役夫三載築  
應厭可憐片土埴  
鳥獸形雙整  
千指日經營  
木妖吁已濫  
前年上林災糜帑厘

宸念構架取舊材  
未肯侈遊覽  
汝曹忘

帝力奢汰當何歛  
菱荷過涼雨  
零落疎紅蘸  
感此傷人  
心回望斜陽暗

漢臯篇

漢臯山水無情綠  
漢水江流相斷續  
江流日夜逝不歸  
可憐漢水搖黃鵠  
黃鵠遙通隔岸煙  
青樓碧玉破瓜年  
十三解作折腰舞  
十四能調卻手絃  
十五鴛鴦繡七二

尋常鶯燕笑三千三千粉黛無顏色二四琴絃暗推測  
譜出瀟湘夜雨聲聲雁落平沙側淒淒蘭蕙出煙壘  
嫋嫋秋風送眠食秋風春月能幾時日對菱花慵畫眉  
獨處青溪身未嫁偷題紅葉怨無期阿母生小春申浦  
傾城絕豔歌金縷解佩羞爲第二流漢臯往日逢交甫  
關西貴族籍臨江一門三世雄麾幢開府中丞持玉節  
下帷公子厭銀釭長生七夕私盟誓來如漢水朝朝纔  
無端卻逐大江波東下鄱陽更西逝蒼茫難問投書地  
阿母宵寒啼擁髻琵琶別抱趁商人仙蚌胎餘明月新  
忍憶飄零分骨肉不堪流落更風塵風塵久浣羅衣疊

生憎繞鬢驚蝴蝶那得溫家玉鏡臺漫陪秦國珠腰褱  
登樓悵望黃鵠山黃鵠高飛同不還山前江水流潺潺  
水流送盡千朱顏試彈寡鵠和別鶴浪濤畫作非人閒  
以此花貌催瘦損亭亭落日孤雲遠何處江帆解汝迎  
怕吟桃葉渡頭晚汝不聞小玉當年本貴家十郎才調  
冠京華不逢馬上黃衫客目斷關雲隴水涯又不聞薛  
濤門閉枇杷下萬里橋邊爭走馬文采何妨奏校書卽  
今誰是高駢者湖州紅落綠成陰亦有司勳空見尋自  
古傷心歸命薄莫臨漢水苦霑襟

次韻子壽十四夜飲月下作

思仙三堂詩集卷二十一  
芙蓉生秋江不采將誰期早涼恐搖落風水何差差感  
茲素娥意頻來慰我思願依天末光流照青長眉月缺  
圓有候會合亦如之非無金錯刀所惜予美貽對酒復  
歎息夜長漏已稀盈盈一水閒微波難通辭高樓在西  
北見我徘徊時

次韻子壽七月望夜對月

華月耀霽宇清光散林阿渺然涼露氣桂影垂婆娑廣  
筵集上賓皎如眾星羅臨觴悵羈獨曰歸懷煙蘿秋風  
動江漢天闊迴滄波萬家聽木落流照哀絃多今夕候  
已滿後夜將奈何仰視一輪閒遠有千山河明年憶此

會判若汚與沱朋游戀盍簪歲時驚擲樓圓景逾十度  
異鄉同慨歌

次韻子壽十六夜復飲月下

昨夜惜圓景仰天風飄蕭宵來攬青鬢暗逐秋蓬凋悵  
望關山遠遐思閭闔高安得大地人超舉皆雲霄商聲  
動四海哀鴻何寥寥咄哉廣寒宮或言歌舞豪嗟汝修  
月子坐見盈虧勞酌酒復問之三人盟漫要醉食武昌  
魚閒數吳兒謠江水送英雄誰能悲二喬

走筆次韻子壽十七夜飲月下

今夕月何遲滿天見雲行長風忽卷盡徧地秋蟲鳴颯



風木葉亂嘹嘹江雁情稍覺玉盤仄氣涼梧竹清置酒  
更雜坐高望懷幽并黑貂旣久敝黃金不復贏獨餘興  
亡慨痛惜金元明冠蓋醉華月孰悟虧與盈以茲重太  
息勞子悲我生豈不慕養晦嗟哉浮世名

哀猿海濤曲

偶閱野史載鄞張公煌言事有足感者爲賦新  
聲

帝子飄零已不歸極天惟見海濤微哀猿夜叫冬青樹  
葉落蕭蕭霜滿衣

葉落蕭蕭霜滿衣哀猿叫斷夕陽微匡山一夜秋如許

海水滔天何處歸

海水滔天何處歸十年江色暗青衣零丁洋裏北風惡

猿叫南屏秋月微

猿叫南屏秋月微青楓黑塞欲何歸海濤不沒粘天處

猶有王孫啼滿衣

鄭克塽投誠後明諸王有殉節臺灣者

贈劉坦翁卽題其鳶飛魚躍行看子

劉侯磊落好男子腰腹十圍意何偉何年射虎向南山

醉來屠狗過燕市燕市中有千名花花前大月橫銅琶

推手卻手三歎息此時痛飲忘天涯宰官之身亦幻妄

舉頭碧落何昭曠一聽王郎子夜歌至今漢上無高唱

思伯子堂詩集卷二十七

五

無高唱情悽愴七絃更有萬千愁那得與侯載遊舫如  
何大笑惜我癡示我青天碧水無端倪茫茫人海何高  
卑有鱗者躍翼者飛酒酣一笑睥睨之劉侯劉侯此意  
眞我師我將挂帆滄海歸侯亦策馬宰王畿相逢落日  
太行側千斛酒澆塵滿衣蝸角功名空是非

武昌送陸立夫太史入都

黃鵠磯頭白浪生挂帆遙指鳳凰城英雄戰壘雲邊盡  
秋色江山酒外明內相勳名期陸贄諸王師傅待桓榮  
九霄高處瞻天近儻意羣仙下界行

太史鄉人如子壽  
孝長皆異才而虎

秋八月望前三日將自武昌之郢襄既束裝矣雨  
不克渡江於節署悶坐思與坦衢明府兩月聚首  
於茲甚懽今各有事別去不可無言遂復走筆雜  
寫數語奉之他日天涯海角見此卽如狂夫在目  
前矣其印尾可借子壽文蓋亦見吾三人同在一  
時也

燒猪在左月餅右惜無美人與醕酒先生老去百不豪  
坐對青天獨搔首江城連日雨復風黃鵠磯頭白波吼  
扁舟欲發未肯發惆悵園花壓枯柳頗聞新香出老桂  
嫩葉疎枝那忍取竹籬低亞菊含苞別汝誰同作重九

後期數語倍太息隻雁孤鴉乃吾偶襄樊自古戰爭地  
百代英雄竟何有不如石城兒女曲至今傳唱在人口  
茲行懶上呼鷹臺且向鹿門弔靡叟漢川東逝不西流  
富貴浮雲變蒼狗誰能摘星挹北斗山水會須落吾手  
歸來可傲曹景宗車中閉置同新婦

走筆別王雨庵

春霖

老夫醉欲帆滄海過江乃畏雨與風沈沈天光似到地  
幽花瘦草鳴疎蛩不知夜來高柳折一笑造化無全功  
心憐身世等泡影猶倚尺劒譚英雄山川昔擁吳王宮  
至今江漢爭流東孫曹事業杯酒盡赤壁賸有孤飛鴻

後來更笑蘇長公登臨徒侈文章工洞簫聲杳皓月落  
海南誰與嗟途窮荒園雖小卽我宅我行且任園丁傭  
願君莫憶懽會日百年萬事皆虛空是時桂藥初豐茸  
攀枝轉惜連蜷叢歸無可隱出不易拍手笑倒羣兒童  
飭肩可擘竟痛飲去去亦是浮雲蹤後期未定儻相念  
請看水上之征蓬

十三日泊沈家廟別立夫太史十四日泊泉隆巷  
口別子壽十五日別湘琴霞仙泊橋口皆在漢口  
十里閒而忽忽中秋矣悵然口號

一舟依漢口三宿度秋聲飛到青天月應知送遠情露

華垂樹曉夜氣合江明行路無佳節栖栖惜此生

十六日阻風羅家墩遂游三山境汪氏園觀桂花  
淹泊勞行役登臨豁倦游雨深叢桂老香靜一亭幽歲  
月終難隱乾坤浩已秋漫嗟餘玉斧何處訪瓊樓

十八夜泊汪家河對月有寄

圓輝曾幾夕浩露又清波不怨金微暮秋江風已多蘭  
叢惜窈窕桂殿想婆娑臂冷淒寒玉垂簾背素娥

漢川

漢川柳色尙依依漢水流人何處歸昨夜峭寒波上月  
朝來城外照征衣

至安陸作

楚戍日秋風，征人尙轉蓬。  
雁沈珠隱冷，鵲噪石城空。  
鄉淚看叢菊，琴心感廢桐。  
不勞歌白雪，滿目送飛鴻。

九日鍾祥縣署作

重陽十日九風雨，此日風多與放晴。  
天入荆襄低楚塞，水迴漢沔接江聲。  
一年節盡殊鄉度，萬里秋從返照生。  
強欲登高羞落帽，鬢絲離菊判衰榮。

十一日作

去年此日  
在家北行

半生閱歷關家國，萬里奔馳滯郢襄。  
悵望英雄紛故壘，獨游歲月賸斜陽。  
茅容奉母賓難謝，杜牧譚兵別亦傷。



已遣一年消道路莫悲終古弔滄桑

復聞雁聲

已去胡沙應萬里乍迴楚水又三更  
天長月暗秋無影風急霜高夜有聲  
遠道征人愁共覺空閨思婦夢多驚  
盡催關塞哀笳淚併入江鄉戍鼓情

故明興獻陵留題

漢家久合尊南頓宋室偏聞議濮王  
戰伐再興由異數奉迎嗣統戴先皇  
寢園乍可誇龍馭弓劒何當比鳳陽  
父老莫悲人代易昌平回首等滄桑

光武不追尊南頓君蓋欲因人心思漢出一時權宜之計然已薄矣若宋之濮安懿王殆無可鑒明之興獻王亦然夫宗子不可無後而別子可無

後世宗不當後武宗然當後孝宗也孝宗以天下傳之  
孝宗未嘗傳之與獻世宗考孝宗而於近親為與獻別  
立後乃禮之至當至歲時享祀用天子之儀亦可則葬  
以士祭以大夫之義也與獻妃之稱后亦可以生見其  
子之君天下則冊以子貴之義也使當奉遺詔時遠慮  
及此詔以興獻王子某為孝宗後入嗣大統以宗人子  
某為其獻王後世宗冊子當亦未嘗不入京師也而安  
有日於孝宗稱皇考於武宗稱皇何曰於孝宗稱皇考於武宗稱皇  
兄於興獻稱朕本生考獻王可也

聞鼇石方伯擢四川總制雪椒廉訪擢山東方伯  
感懷故光祿許公都轉鄭公慨然有作

少年走馬長安道慷慨憐才有數公已許後先持節鉞  
竟殊生死感雲風齊城帶海藩屏遠蜀道連天幕府雄  
獨有九原長寂寞不知途路泣飄蓬

漢口逢春如觀察卽送之備兵潼商

三秦形勝雄中夏險要先爭第一關如此夕陽斜漢水  
居然晴雪入商山江湖歲晚吾廬遠壁壘風嚴士馬嫻  
敢望綈袍憐故舊要寬西顧慰

天顏

余五月來漢口辱少穆先生留寓節署八月乃於  
役安襄比歸再入署則先生已入都矣感念之餘  
輒復成詠

幕府重聞鼓角聲九重高望不勝情重臣報國心原粹  
聖主憂時事可爭江漢朔風連夜永幽并寒月近天明

哀梧細竹蕭涼地親見陶公運甓行

九江同鄭仁圃太守登庾樓望廬山復同遊琵琶亭錄別有作

絕頂明殘雪清寒動太虛江山百戰後風月六朝餘  
領郡推雄鎮論才感謫居香鑪照湓浦別後興何如

廿八夜鄱陽湖舟中夢石甫廉訪

湖水江流同到海誰憐海外歲將除十年豈信吾猶賤  
一夢安知見久疎彭蠡書遲失陽鳥大荒日早照神魚  
會須徑踏鯢身頂談笑東凌百谷墟

除夕鄱陽湖珠磯口舟中漫成

十年除夕入他鄉自己丑至今惟壬辰丙申家居五度扁舟淚萬行何

處江湖餘好夢此生家國永相望雲來彭澤昏吳楚浪

湧匡廬失貢章南海未歸瞻北極怪風疾雨益蒼涼

薄宦宣南記孔融去年此夜送詩筒昨歲除夕將寢矣忽有函比部送詩

十八首來頓忘羈旅之感江淮夢隔三千里潘農魯蘭才俱十倍雄

能補白華對青眼定憐短鬢與飄蓬驚濤四起搖孤枕

翰汝田園歲晚同時宥函請假歸淮上

風雪圍爐話九州扣門感激見蒼頭千秋意氣傷存沒

孤棹妻孥歷阻修此去章門應慟哭古來國士不埋憂

如山白浪魂知否辛苦歸心滿客舟丁酉在京寓無以度歲廿八日雪中

飲樹齋鴻臚宅忽廉峯太史遣僕以白金  
相餽爲之感激今廉峯沒矣能無泣然

近聞騶從度江關澤畔行轅擬再攀豈意風波成阻絕  
轉憐旌旆失蕭閒馳驅歲月因憂國淹泊湖濱悔出山  
當代不逢韓太尉誰知明允惜時艱

先生先一日始發

九江竟追隨不及

一代姚

石甫黃樹齋  
廉訪鴻臚

實異才盛名中外望三台淹遲宦

轍應誰惜流落江鄉更自哀萬里鯨濤行絕海千年駿

骨弔荒臺滔滔目斷投書渚兩地何緣對舉杯

何事遄歸久未歸石城樊口意多違

十月初二日自襄陽至安陸爲周太

守遮留不得行十一月廿五日自漢口登舟十風塵失

二月初二日至黃州又以病折回漢口就醫藥

三

息白子堂詩集

卷二十七

意家何在湖海殘年計總非繞膝童孫思宛宛傷心慈  
母望依依不須更話陳蕃榻鳬渚終宵幾攬衣

忠伯子堂詩集卷二十八

建甯張際亮亨甫

初七夜吳城舟中對月

己亥

長風吹朔雪幾日入春寒忽聽江天雁翻驚得月看歲  
時鄉夢永雲水夜光溥歸及初圓魄梅花想未殘

再過南昌作

浮雲何冉冉照我衣裳單我行冬復春怨此北風寒西  
山霽雪色宛如故人顏逝者不我悲生存更憂患仰視  
戾天翼冥冥去何極浩浩章貢波蛟龍安可測我生真  
細人奔走困衣食扁舟指南斗忽復望西北西北夫如



何太行高嵯峨行恐車輪折坐憂鬢髮偏蕙草日夜衰  
含悽向山阿雖有春宵露朝霜亦苦多客從山中來言  
采雙桂樹服實可長生胡爲怨途路謝客莫我顧東湖  
迫昏暮寄語灌園翁浮雲從此去

臨川舟中

又向臨川郭東風悵落暉一年春更早萬里客何歸江  
遠帆逾定天空鳥自微無花豁愁眼觀化且忘機

潮音洞

建昌下流  
四十里

鑿石成陰洞聽江亦梵音煙崖懸屋峭春雨到門深幻  
迹皆仙佛滄波自古今因憐賣薪叟閑坐對沙禽

去外村別業作

五月十五日

我歸仲春初及茲夏欲除涼風覺秋意梧葉當窗疎沈  
疴幸更生倍悵流景徂蟬吟夕露靜鳥散朝煙虛倚樹  
聽溪聲望雲懷村墟耳目積暇豫道路紛躊躇田父走  
相送親舊對攬裾我生一何勞天命罷歎歎惟應滿月  
光還與照倚閭

至光澤煥奎太守出示近詩因題

無絃待涼月有酒卽新詩臥看鳥君色天高雲下垂八  
荒自蒼莽四海足懽悲抱膝吟梁甫蕭然忘素期

去別業是夜宿漳村

招手碧山月隨人向海天昨宵松際色回望自蒼然

邱家隘

越嶠與章門山川曠千里誰知一嶺閒下見江海水

新城

有叔八十六別來今五年老人愛骨月閒話也懽然

白沙

漠漠孤村雨脩脩苦竹林一燈仰茅屋四海此時心

光澤

老友幸猶健故人多可傷何須話東海到處有滄桑

邵武

詩話樓頭月懷人十五年繫舟不相見曉色自江煙

順昌

故鄉門外水直過此城流不遣變春酒誰澆萬古愁

水口

千灘自此平三山如不遠蒼翠落孤舟天闊鴉飛晚

竹崎關

下水船何滯猶牽百丈行南風催櫓急知是午潮生

八月十五日同芑川孝廉訪少谷先生遲清亭故

址歸飲寓齋作

倦客徒懷千載哀海天不見雁鴻回

時久不得少憂時  
穆先生消息

尙識悲歌地弔古仍憐凱讌臺

亭近平遠臺明戚少保平倭凱旋常飲此臺

泉石風流人代改江山秋色雨聲來  
虧盈抵月輕身世  
看取尊前磊落才

八月晦日劉綺躔同年令弟冰如上舍招同葉五  
卓人林大柏卿泛舟小西湖集飲宛在堂作

千秋一片笙歌地湖水依然蕩空翠  
試從漢代俯唐年  
騎馬釣龍等兒戲扁舟落吾手談笑縱杯酒  
世閒萬事誰不朽  
感君對話陳家婦

是日適齊烈女厝柩出寺

風塵百折此歸

休求仕何如晚嫁羞未肯江湖忘魏闕  
正同烈魄殉荒邱  
卻憐五載重來去堤柳凋零失飛絮  
歎逝傷離李相

祠斷鴉數點歸何處青山猶蜿蜒秀色來尊前後先泥  
有翰墨緣宛在堂祀先輩能詩者十五人可以豁除萬感歌向天安知  
紛紛愚與賢白花紅菱他時好誰記西風醉泛船

游鼓山同何子貞太史蔡玉山侍御

飄飄青鸞羽招手凌天風下視江海氣浩然出雲中逝  
者日相續懷往意無窮摩崖亦陳迹誰見前賢蹤涼煙  
散木末陰澗繁秋蟲合沓亂峯閒雨勢來何雄懸泉瀉  
崩壑絕壁吟長松蕭蕭萬籟交對坐山正空眼前卽千  
變身外皆孤蓬何以勸金罍微月行空濛夜起望太虛  
興在扶桑東迴駕險自失振策勇亦從子貞獨登步前峯玉山半塗而

歸  
茲爲無罣礙譚笑俱禪宗沿源再游歷午霽回山容  
虛亭何所有巉巖俯龍嵒滄溟渺難卽安知魚與龍吾  
欲乘虛舟期子蓬萊宮心嗤晏國師喝水矜神功

黃忠端公獄中八分書孝經爲賴子瑩孝廉作

明祖崛起殲羣雄猜忌頗與劉季同闕廷受杖法益虐  
再傳何止哀藏弓三百年獄慘相繼思陵不悟矜予智  
如公忠鯁豈好名四拷九鞠嗟何意烏虜西來戎馬躡  
王畿南渡江山空夕暉閩海募師身一出孝陵再望事  
全非乃知求臣必孝子請看碧血尙盈紙百二十本貫  
星日流落人間僅見此此本奚如正氣歌賴子得之千

撫摩獄中受經意豈異旦夕未死甯蹉跎何況尊親義  
則一嚴命誰能逃斧鑕戀一人如慕二人心在朝端淚  
在筆吾聞東坡繫獄詩能使庸主開昏疑謂公沽譽匪  
獨闇人才進退關安危可憐諸臣亡國語有臣如公亦  
無補縱教披髮謝高皇多少忠魂泣風雨先朝作德久  
已薄鈞黨終成漢洛陽徐泗地靈通絕續祖孫家法互  
興亡賴子賴子寶遺墨百金一字休論直二傳應知出  
處心千秋漫藉文章力與汝同談忠孝人銅山石室住  
無因飢驅南北毫將禿愧負生平君與親公自跋云西  
庫蜀摩炊薪  
淪玉幽拘變操和以履霜感遺體之靡甯思本事之未  
盡興懷明發負痛在躬於時易傳已成詩正未就籤軸



之觀既少明述之義鬱焉乃約兩日書孝經一部爰  
贈同患進念二人崇禎十四年辛巳八月十一日

爲陳拱垣世兄題扇子

何處雲山對畫橈斷堤風柳自蕭蕭恰如秋晚南徐郭  
斜日金焦送落潮

忽忽江湖愧釣師故山雖好欲歸遲疎林葉脫煙雲散  
蓬戶清寒畫不宜

爲蕙卿題文衡山松陰煮澗圖

寒松結幽陰絕澗瀉空碧山深樵牧稀謾謾風墮石天  
空雲自閒水靜日如夕一詠招隱篇惆悵東薪迹

常思嶺

萬山東到海一氣半成雲嘯地風先合粘天霧不分石  
危懸馬首樹老散鴉羣戍堠蕭條在時平仗水軍

涵江

一水分雙縣江鄉卽塞門島夷常出沒戰鬼幾朝昏故  
壘寒潮洗飛梁落日翻滔滔見千古觀海復何言

興化

紅牆綠荔碧漣漪向晚城陰艇子遲大好山川冠蓋里  
最宜煙月木蘭陂耆英著述三通並女士容華一賦悲  
復有前朝哀戰伐莫忘防海太平時

洛陽橋

嵯峨白浪若雪山古來欲渡愁心顏至今過者但長嘯  
洗足不觸鼃鼃頑輿馳馬走石幾爛長虹照水明彎環  
誰將忠惠功譌談到蔡錫我觀摩崖徑尺書事該文簡  
書可惜孤亭試望海門東直沽京口一水通金厦臺澎  
勢犄角莫使夷舶頻乘風此橋亦是嚴城衛兩岸猶堪  
伏千騎鐵索何愁王濬焚石犀永鎮成都利渡河豈必  
羨蘭州連竿裊裊維桂舟老去子房難進履病來司馬  
厭鳴騶恰逢潮長飛橋柱父老曾聞誇吉語鷗邊晚照  
沒煙濤鴉背雲嵐作風雨萬峯宛轉空明際遐想江南  
昔鳴榔大舫隱隱鵬駕天小舟拍拍鳧戲渚一帆借我

十洲行大笑石梁矢霞舉吁嗟乎秦皇鞭石石不走何  
似海神報賢守可知濟物特忠誠富貴於人復何有吾  
驅瘦僕向清源王氏雄風亦豈存路人免涉鯨波險千  
古流傳蔡狀元

泉州

文獻聲華達上臺七閩劇郡此先開連天海水通番舶  
亂世雄風起霸才煙雨千家丹荔繞雪山萬頃白鹽來  
誰知父老思龔遂刀劍兒童實可哀

同安

一代旂常盛武功桓桓施李萬人雄羣山尙自飛旌旆

戰艦何當蕩水風鄉里威名韓岳並死生分義耳餘同  
鄭氏遙戴明藩施侯實與共事譙樓夜靜聽寒鼓西望重洋憶海東時  
咭利夷船有闌入內口者與我兵互有擊傷

宿龍江

海水東趨路更西白雲何處望龍溪一車會葬慙張范  
千里相思憶阮嵇衰草映空斜照滿老榕壓屋夕煙低  
劇憐風雪寒宵意豈爲茲行送馬蹄寒宵話別圖往歲辛卯爲鄭都轉作  
由江東橋過萬松關

十里蒼山壁壘存嵯峨怪石結松根潮來乍覺風先湧  
日落迴看海未昏天外瘴雲盤百粵夢餘斜月入中原

須從直北瞻南斗荒戍崎嶇未足論

漳州

萬峯北擁藏雲壑一水東趨蕩海天金厦煙波盤越微  
石幢風雨送唐年猶傳教化存巾履誰與蠻夷別布泉  
漳州悉用夷錢名郡從來資控馭汀潮況是接山川

南山寺

寺有石佛高四丈時鄭都轉殯于寺旁

金身何似一丈六石磴偶然百尺孤海色蒼茫又城郭  
騷魂寂寞白山隅悲深骨肉無坏土時夫人長君同殯此散盡冠  
裳有酒徒東粵別來如昨日南山愁過更征塗

游開元寺登紫芝山

龍象經壇古蛟鼉海氣驕高城初墮葉寒日欲生潮衰  
病登臨覺親朋歲月凋觀空看老佛招隱向山樵

漳州至泉州歸道雜詩

我來夫何爲況此歲云暮朝發東郭門征夫熟前路巉  
巖萬松閒卻立屢仰顧亂石峭紛拏墻壁隱丹素不知  
何人居下見檣帆度海天自決滄雲物正迴互潮頭接  
龍江日色明虎渡兵爭幾世年壁壘猶如故浩然愴民  
生太平汝幸遇

少爲同安吏已知崇儒臣蔡呂曷足道蘇相誠先民卓  
哉祠堂記至今煥城闐我昨一瞻拜迴眺滄海濱萬峯

若龍蟠赴水舒其鱗落日照蜃氣樓臺皆金銀山川鬱  
佳哉偉人信有神不聞李壯烈百戰捐其身吾少慕英  
風況茲防患辰晚對不可歸

在武夷五曲文公精舍之前公所名也

誓將

清夷塵

山平野多風寒日出亂石東南天不高蕩蕩盡海碧空  
若雲氣不辨濤頭白因悲此鄉人揚帆遠爲客斥鹵  
不足耕豈甘淪異域如何忍誅求轉謂富珠璧民困盜  
乃多劫掠安可責賢侯慕龔黃良吏有循績歲晏懷冰  
霜生計念田宅嗟哉情游子歸來母作賊

淡旬往復還重此沙溪宿數家出粉垣上蓋榕荔綠仲



冬扇蚊雷始信炎方毒噬膚不成勞坐愁風撼屋灑墀  
多驚飄驅沙折林木團團萬煙舍貼地如俯伏天低在  
簷宇墮露乃滅燭咄哉乾坤樞到此一轉軸茲宵豈海  
嘯魚龍鬪平陸波濤勢滿空寒氣浩在目因思昨來時  
行侶去已速一瞬卽滄桑千緣愴幽獨

坡坵盡犂确鑿井謀深耕列石敵華表轉水如瀉瓶種  
瓜旣茂實種果復敷榮四時閒采摘亦足養汝生何爲  
赴鋒刃冒死尋鬪爭或言此地氣母乃非人情民惟直  
可用勇以敢乃成收此十萬眾足爲靖海兵我無司牧  
責刑罪知誰輕頗聞五百人當時殉田橫

過武肅王墓下作

中原昔苦黃巢變越嶠誰先保障功已似尉佗收海上  
不慙孫策敗江東十王劒履趨朝少八姓衣冠辟地同  
愁絕泉山幽隧月他年還照水晶宮

惠安道中

積氣垂天外斜陽倒海中周巒紛鬪石草樹盡披風鄭  
野仍多盜齊人或尙功道旁年少子佩劒意何雄

陳少香作宰惠安余至已昏黑不得入城以書索  
酒陳並以食物來詩以報之

我行洛陽橋但見雲濤翻海天盪落日丹砂氣可吞騷

騷北風至萬馬聲東奔飄然駕長虹墮此郭外村野人  
釀番儲鮭菜雜瓦盆豈無醉飽客飢渴難爲言縣宰念  
故交夜火出盤飧手開黃泥甕痛飲傾千尊仰視陰雨  
來蕭條溼牆根中宵見大星殘酒且再溫吾生困行路  
老驥伏短轅頗知治亂故抑塞何敢論三升管公明一  
飯韓王孫未能向成都狂著犢鼻褌此鄉習俗敝好鬪  
訟且繁豪強恣犯禁愚懦深含冤何況盜憎主劫殺尋  
朝昏夷艘互出沒毒物流中原自非用重典何以清禍  
源君師國僑訓庶幾民安敦堂堂歲月逝歷歷關塞存  
舊游各飛騰彈鋏依誰門固應荷鍤隨斗石譏齊髡簞

端動微白皓露迎朝暎醒眼望闔越疆吏亦已頌

過福清葉文忠墓下作

勝朝末葉誰賢輔再出委蛇道豈窮名冠黨碑文潞國  
心全宗社狄梁公縣今高密聲稱古冢異祁連詔賜同  
石馬莫號滄海月碧雲朽骨暴秋風

碧雲寺魏忠賢葬處本朝某御史

奏乞

思舊詩

都轉風流世所稀遺書滿屋蠹魚肥寒燈一證同人集

鷓鴣黃壚淚滿衣

鄭雲麓都轉

京華相對惜年光失意歸來淚萬行榕葉滿天吹不散

海風蕭瑟讀書堂

何瑞五同年

一慟麻衣返故山九原從此侍親顏平生廣大寬平意

只在蒼山碧海閒

許萊山光祿

臨去千人泣送行騰書京洛辨冤聲堂堂藩伯今開府

嗟汝將何答

聖明

龔春溪太守

阮蔡風流何處尋泉山寒色夕陰陰撫孤拜母平生願

不抵陳郎一語深

石梅同年有母在薰土同年有子皆未一見因憶乙未於學使試院錄科

遇安溪陳春林同年追話二君相與愴然未幾春林亦卒矣

老學誰如孫濟侯等身著述足千秋鄭公鄉在無人表

斜日荒城見海流

孫濟侯明經

率意揮毫世共珍偶然詩畫亦清新京朝文采吾鄉少

轉憶風流自喜人

郭蘭石廷尉

中外清勤四十年白頭何事負歸田易名太息人多少

初

頤園蔣礪堂尚書節相

無稱感後賢

陳望坡尚書尚書與二公皆無諡

十一月十五去福州雨泊洪山橋

去家殘夏同茲日歸路寒江帶暝船海上雁從何處斷

七月專使渡海問姚廉訪至今未回

天涯月又幾時圓交親別意傷存沒

甲申乙酉庚寅甲午乙未親友多送至此地者今則不勝雲散風流之感矣

城郭空光合水

煙惆悵平生劉越石

謂芑川西堂

夜闌聽雨定淒然

次日舟中行口號

山氣林光碧欲煙冬寒晴色奪春鮮地從炎嶠無冰雪  
身在江湖有歲年

聖主久憂天下事諸公共望古來賢扁舟汎汎觀風物  
村舍蕭條獨可憐

鈇鉤灘

水縱石何橫盤旋故作勢舟穿亂石中石外失天地曲  
行如蟻緣倒退忽鳥墜百丈寄性命萬怪惑心志是時  
赤日仄颯脊悲風至蒼山烏鵲叫老葉響叢翠默然視  
去波三折未敢逝崩騰激飛雪魚龍驟出戲前篙鬪稍

捷後舵喊相繼上流脫危險下望益驚喟轉思十八灘  
習坎昔旣濟未知汭瞿塘駭絕誰尤異人閒行路難浩  
歌傷意氣不見康衢安飛馳有折轡君子履道貞小人  
無遠慮哀哉一壑閒俯仰見千世

### 尤溪口

夜中臥怨月曉起江茫茫蓊然雲霧氣迴合蒸初陽天  
高勢忽低其下出微光碧綠益山壑紫翠凝煙霜脩脩  
楓柏深啼鳥閒笙簧古時征人跡落葉隨風揚豈無超  
世士巖棲鬱相望吾行不遑息但見萬石蒼石老旣無  
根水流亦無方可憐尤溪波東注閩海長



蚺蛇灘

舟近亂石來石氣互千里礧礧蔽上流悵望不見水入  
灘更駭絕壁立列營壘陳圖佈長蛇昂首掉其尾浪頭  
日激激骨出若蛻委不知媧皇年補天曷棄此倔強隘  
大地磊落壯南紀縱橫五色文變化萬象理蒼然去雕  
鑿過客誰省視想見山澤閒萬物完太始我茲屢行邁  
對爾輒狂喜安得叱成龍乘雲向滄海

延平

房師張漁村先生去年卒於南平署任

陳氏元孤臣堅城抗明祖何人表遺忠乃與珍諒伍從  
來烈士意成敗安足數荒江日夜流閱世浩終古竊悲

蜀客魂不歸奈何許幸逢太平日寂寞殉簪組當時急  
一見豈謂絕再覩自慙遇合艱慟哭傷肺腑

國家惜人才我生獨塵土報稱廢私恩公義亦何補堂  
堂歲月心悠悠風雲侶扁舟更淹泊難起鬼雄語潁陽  
照草木千峯颯微雨烏鴉噪斷堞中有戰血苦男兒旣  
失路是處皆死所灑淚望滄波冰霜送征櫓

燕子巖

下流石如鼉一一昂其首上流石如燕紛紛哆其口龜  
螭伏穹窿鼉鱷出怪醜蛟龍骨倒臥蝮蛇陣旁走屹爲  
巨鼇戴呀若長鯨吼摩牙而伺人百夫進以手攀崖猿

思伯子堂詩集

卷二十八

十四

挂藤曳纜魚貫柳橫行  
鱗爬沙直觸蜂撲鬬孤舟  
簸浪中屢進退石後仰視勢  
反壓側擁臂交負篙頭聲相摩  
腹背敵先受北風蕭騷至水花  
吹到肘舵師噤無色控  
折視左右常恐一失措死者十八九  
是知函矢心業術  
若固有我久厭倦遊何似騎驢叟  
亡羊歧莫追待兔株  
且守鴻鵠燕雀笑騏驎駑駘偶欲從  
踏繡客試訪膠鸞  
友江灘自古今勸汝一盃酒

順昌

我來方季夏及茲已仲冬  
飄蕭集雨霰卷地鳴長風  
草木亦已衰況感愁病容  
扁舟循短髮悵望江海空  
西北

羣雁飛東南餘孤鴻徘徊念儔匹惜問誰雌雄杳杳桂  
樹枝山阿無人蹤歲晚百蟲蟄安知蛇與龍

荒城晚多煙下帶雙溪長一昨載我去一來自故鄉卻  
循故鄉流環眺山蒼蒼終年別親舍曰歸何所將浩浩  
天何高白日照嚴霜雖有苦寒淚不到慈母旁人生一  
失意萬事心暗傷逝水無回波悲風送瀛滄

沙瀨泊輕舟水氣搖孤燭六年茲再行鴛鴦必雙宿豈  
獨取鳥噪欲集無安木可憐丹山阿別有鳳凰族臯廡  
感梁鴻吳市憶梅福栖栖浮家意垂釣亦難卜寒城聞  
曙雞霜露滿谿谷萬家一夢深不寐傷羈獨

# 將樂

海鶴飛何勞勞向西北徘徊反東顧鍛羽不得食我  
行將樂縣金盡拙辭色菜把官不供束脩告無力譬如  
農望歲九秋壞稼穡全家正啼飢旱潦豈吾惜古來生  
事難四海多偏仄慷慨風塵閒窮士何有極逶遲近鄉  
井惆悵遠京國珠樹翠鳥巢暝城瘴雲黑

溪迴山益深百轉猶未已灘多不知名但覺石怪詭連  
峯合寒翠曖曖陸流水水色如新安碧綠淨見底霜螯  
扶蓼白風鱗戲苔紫青天倒下映宛轉空光裏悠然何  
處風鳥聲清滿耳谷口樹蒼森葉落炊煙起

自我放輕舸及茲十七年可憐山居子陵谷知幾遷古  
樹摧爲薪霜楓醉便娟正如老成盡俗薄矜少年松柏  
何鬱鬱蒼崖翳寒煙自非庇墳冢亦豈長生全民窮地  
利盡浩歌悲向天我欲誓墓歸嗟哉仍無田

無米甕

我從順昌來四日見亂石石多磊落意心戀此灘側思  
窮難爲名但視去波碧正如遇良友相對不妨默人閒  
最佳處往往無遊客史遷足未經况論神禹跡孤舟望  
四海浩浩浮雲色萬代一飄風修齡誰滿百山川鬱靈  
秀宛待幽貞宅風塵吾不歸倚棹終何適

常口

昔游證果寺春事廿年過老樹餘衰草荒江又去波靜  
中寒色古空際夜光多悵望人煙外疎鐘自薜蘿

良淺

山木蒼蒼合人煙藹藹深孤雲寒有色眾水靜成音市  
散聞村犬舟移見渚禽開尊多故舊三宿且相尋

源裏潭

十二月初二夜宿泰甯弋口次早歷朱家坳始  
入邑界嶺澗峻阻迴複况時苦寒渺默增感將  
至大源孔數里道旁有板橋跨石潭疑其有異

舍輿趨眺悵會夙心雖棲賢之玉淵無此幽勝  
自余倦游素懷行遯邁茲絕境乃在故鄉適有  
昨同宿邑子晚而去之曰是名源裏潭也何留  
憩爲噫余滋不能默焉爾

山迴澗壑匯樵路通飛梁寒潭石映蔚邈然見洪荒白  
雲來亭亭幽鳥鳴且翔俯視澄碧中峯影一何蒼前游  
緬誰會後至永相望負此百年心徒御紛在旁巢由豈  
買山鴻光乃去鄉人事未有定天命多慨慷

許灣曉發

庚子

山市仍寒雨煙帆足曉風春歸江海上人老歲時中暝



初三水靜流禽漫花疎著霧空破愁宜放眼前夜送諸  
窮

野泊

林火數星分風疎遠吠聞暮天青蓋地積水白成雲人  
語新春樂鄉心薄暝紛十年江海夢誰與惜辛勤

三江口

三江何處是眾水抱隄流山色南昌郭春風幾度舟村  
童追野鳥浣女望沙鷗一憶吳淞路飛花滿浪頭

別鑒泉明府十二年矣今正月七日遇於南昌以  
白金二兩食物四色見贈辭之不得念其老病罷

官行歸湖湘再見未知何日故以詩別之

富貴豈不懷人生固有已悠悠歎衰老少壯亦奚恃嗟  
翁今七十罷官不爲恥世無黃次公聾丞復誰喜且耕  
瀟湘源抱經娛暮齒翁有抱經草堂圖雛孫顧我笑童孫揖我  
踞大兒攜長男夜送山城市陳辭意可恭留酌杯與洗  
似悲再見難骨肉使相視吾豈荒亭鶴天際適來止翁  
體候重建來鶴亭壽成日有鶴飛至太息蕭寺懼十年一夢耳嘗同翁父子居京師  
蓮花寺倦鳥辭長林浮雲逐流水萬族昧進退安知齊生  
死行矣各扁舟毋忘寄雙鯉

南昌渡章江

此水嗟何意年年載我行江雲低曉日寒色滿春城地  
久悲荒潒人仍愴死生去年春正月九日抵南昌哭徐  
廉翁之喪今年正月六日在廉

翁家聞四  
農兄之訃

西山青不改長似慰孤征

建昌

城外春流縹晚寒匡廬天遠碧雲端不知何許藏書好  
一片斜陽飲馬看

建昌李公擇有白石庵  
在廬山爲其藏書處也

德安道上望廬山

玉龍戲雲海風雨下青天一覺棲賢夢千巖月挂泉荒  
城對朝巘終古浩蒼煙三峽飛騰疾安知五老年

巴河望江

巫峽西來下武昌  
楚天東盡白雲長  
飛鴉欲沒孤帆遠  
一片空光澹夕陽

去歲在閬中  
甚望子壽領湖北  
解首既至漢上  
乃知仍失意也  
口號卻寄

王郎一代論詩傑  
省解今聞又罷歸  
再見幾時如昨日  
別來兩度換春衣  
病中歲月空好漲  
後田園燕不飛  
同是愛談天下事  
風塵偃蹇意多違

將自漢口登車北行口號述感

西北浮雲指大梁  
楚城落日意茫茫  
是何嵬外家山杳  
恨此關邊驛路長  
天遠憶人蘇酒夢  
春寒作雨殢花光

荆吳燕粵誰多思

時少穆翁在廣東子壽在荊州獨去春木在婁縣劉君坦儒在保定

征車黯自傷

### 過汝甯

長堤垂柳又穆穆七載重勞此駐驂快馬乍騰平野勢

斷鴉仍沒遠天嵐故人花信悲泉下

癸巳夏於此閒學使院得徐廉峯太

史手書並杏花詩

名士風懷到汝南郭泰不來黃憲逝飄零塵

土我何堪

### 十一日周家口對雪

二月春已半故園花亂飛那堪行路雪猶點去鄉衣遠

夢青山在高堂白髮稀思親兼望闕清淚對霏微

發開封口號

黃沙白草極天浮  
颯颯驚風卷馬頭  
千古戰爭餘王氣  
八方控馭亦雄州  
河聲東下長淮曉  
關色西來太華秋  
往日兔園賓客盡  
茂陵多病合歸休

過杜平是前年與四農兄別處

豈意長亭痛飲時  
更無爛醉和歌期  
難將委化齊生死  
但恨相逢屢別離  
王李才名誰貴壽  
孟韓風義匪文辭  
征驂灑盡臨歧淚  
曉日重來獨去遲

二月晦日河閒道上口號

匹馬南來逐塞鴻  
帝城北望五雲中  
遠林缺處天如水

東坡先生詩集卷之二十一  
三  
殘照低時地有風歲月何心消道路山河滿目送英雄  
三分春色明朝是誰看花飛故里紅

夜過趙北口

曉發瀛州望薊門公孫城外日先昏菰蘆水暗魚猶潑  
楊柳風多雁自喧春晚江南頻入夢夜涼天際欲銷魂  
分明便似秋湘閣不見銀燈照酒痕

上巳日固安渡河

如此風光祓禊天征塵未浣更呼船山陰散盡流觴侶  
獨向人閒閱逝川

漫書友人扇子

久賤交游散多愁疾病侵酒邊窮旅眼塵外古人心落  
日紛斜燕聞雲半遠岑天涯信舒卷不必取爲霖

開元論進士李杜竟無名一代文章在三公福命爭詩  
酬高刺史骨傍謝宣城何足傷飄泊高士楊忠家已平

艾至堂進士北度雁關圖

北控營州遠函谷西通太華高關塞獨逾三晉阻  
英雄誰弔九邊豪雲中白雁驚霜角山後黃沙卷佩刀  
寂寞武靈遺事盡憐君驅馬日蕭騷

爲朱濂甫

琦

太史閱詩題其後

當代誰高詠桐城

惜抱先生

繼阮亭愚山餘古調

宣城施學士閏章

思伯子堂詩集

卷二十八

三



文子已晨星家古夢單經可惠宋仁和大樽悲頭白

黎順德黎張長沙張大豁眼青兩翁時慷慨博城劉學

大令五字幾飄零武威張太守翽五言律最佳江都乍

可迴狂瀾何須在御屏眾流趨末派後起失前型邇日

論朋舊高才辨渭涇清淮人共逝山陽潘四農黃海氣

猶靈欽徐廉峯卓絕吾宗彥先登作者庭族兄怡亭老

成今李同邑李古山宋嘉應宋正懷抱古芳馨傲帶金

堪享光澤何秀才長詔荒池墨又渟吳下朱西生孝空

為嘆逝賦永憶草元亭名大人爭瞰塗長我未經海槎

星際望天樂夢中聽巨手開西粵洪波漲北溟力雄出

激宕思遠入沈冥孰訝方燕許真如泣尹邢敢當諸葛

拜

余少識尊甫於京師故君於余執禮甚恭

難比屈原醒遺逸風應采堂皇

戶肯屈月明湘瑟動雲水韻泠泠

題至堂詩稿後

時新得第以縣令歸部候銓將就教投還江西

眾水趨東海誰知濁浪狂注家紛五百杜骨異尋常夫

子遵遺躅平生足熱腸悲歌向燕代綺語失齊梁隱市

容鯁頓論兵氣激昂高談王霸雜回首歲時長知己依

都憲

謂李芝齡先生

清名數侍郎

謂樹齋少寇

李

牧臣

余

芝衫

如昨夢江

門趙

直夫

許同行一第空遲暮千言久慨慷眼青誰薦士

頭白自歸鄉江勢通彭蠡詩心擬草堂誰知鄭少谷永

憶蜀西瀼落落羈栖侶滔滔俠少場看君猶失志嗟我  
敢和光寫韻樓何在投書渚未荒扁舟懷甫也宗派薄  
陳黃

孫頤谷先生深柳勘書圖

先生名志祖杭州人乾隆間進士歷官江南道

監察御史著家語疏證六卷文選考異四卷文選  
李註補正四卷讀書勝錄七卷又續編四卷輯風  
俗通佚文一卷謝承後漢書補遺五卷其未成未  
刻者孔叢子疏證及各經札記子同元孫世學皆  
人舉

柳花一片隨風起富貴紛紛亦如此流鶯百轉送春歸  
先生著書頭白矣周衰文傲秦火烈後漢儒生抱故紙  
世無孔子誰述作何限偽經兼穢史先生勘譌復訂謬

申鄭抑王寄微旨咳蘭可采湖可漁老愛西冷謝索米  
諫草因逢

聖主焚元亭留與兒孫理嗟余觸藩艱進退七度六橋

棹孤艤空思因樹結茅亭但悵垂楊拂流水先生豈慕

劉江東

開門向山路深柳讀書堂劉脊虛句也劉脊虛著述甚富亦惟傳其詩

百卷遺編

蠹塵委披圖慷慨發長喟嬾慢嵇康鍛且已飄萍落絮  
笑何因種菜英雄睡方美

子瑩招同飲十刹海酒樓觀荷花

登高樓飲醕酒人生誰能與汝壽十年故舊散如雲生

死升沈黯回首

戊子六月廿四日樹齋侍郎招同人集此爲蓮花生日也亡丑侍郎復偕徐廉

峯太史招飲集此辛卯  
同顧南雅先生話此

試從城外數西山深谷高崖亦

自閒一帶

御溝無恙水落花流不到人間可以痛醉開心顏

絕海

絕海纔揚十道帆神州百縣戒初嚴徒聞靈島成鮫窟  
重報邊塵動馬銜削國翻思殺鼉錯父家未許誦巫咸  
孤臣白髮炎荒遠從古青蠅枉刺讒

滔滔河水

滔滔河水兮我心憂傷人誰無母兮我獨四方  
滔滔河水兮我心傷悲子出母望兮母死子歸

滔滔河水兮實傷我懷  
我行道阻兮載江載淮  
河北孔神兮莫知我哀